

# ছায়ার আলপনা

BANGLADARSHAN.COM  
অজিত দত্ত

# জিঙাসা

যদি এই হৃদয়ের রঙটুকু নিয়ে কোনোদিন  
বাতাস উদাস হয়, আকাশ রঙিন,—  
শরতে কি বসন্তের কুছ-কাকলিতে  
নতুন জনুর স্বাদে দুঃস্বপ্নেরে চায় মুছে দিতে,  
তবে কি এ পৃথিবীর ছদ্ম নটীবাস  
শাস্ত্র শস্ত্র রাজনীতি বাণিজ্য-বিলাস  
সেই মুহূর্তের অভিসারে  
প্রাণের নিভূতে এসে খসে প'ড়ে যাবে একেবারে?

যদি এই ভেজা মাটি শিশির দুর্বায়,  
অনেক বিপথে ঘুরে পা দু'খানি পথ খুঁজে পায়—  
তবে কোনো প্রান্তরের পারে,  
কিংবা কোনো ভুলে-যাওয়া নদীর কিনারে,  
মানুষের প্রেমের কি সংসারের বিচিত্র কাকলি,  
ধূসর পাহাড়ে ঘেরা গ্রাম কিংবা শ্যাম বনস্থলী,  
পুবাতন আকাশ কি পুরোনো তারারা,  
ধ্যানের শাসন পেয়ে ছাড়া  
হবে নত আমার এ হৃদয়ের পুরোনো পুঁথিতে  
কোনো এক নতুন কবিতা লিখে দিতে?

আমি সেই মুহূর্তেরে খুঁজি  
শহরে বাজারে হাটে মাঠের সবুজে,  
কখনো অরণ্যে, কভু রাজধানী-পথে জনতায়,  
ঘুরেছি অনেক ক্লান্ত পায়।  
রূপকাহিনীর মায়াপুরীতে নিভূতে,  
কত সোনা-ছাওয়া দিনে, কত হীরে-ছড়ানো রাত্রিতে,  
সহস্রের স্রোতে ভেসে, কখনো বা নির্জন সৈকতে,  
দ্বীপে ও মরুতে আর কত তীর্থপথে,  
কখনো বা মিনারের চূড়ায় দাঁড়িয়ে  
দেখেছি দু'চোখে খুঁজে, সম্মুখে পশ্চাতে ডানে বাঁয়ে,

শুধু মনে হয়—

বুঝি সে রয়েছে কাছে, বুঝি কাছে নয়।

হোল কতদিন!

সকালের রোদ আজ বিকালের ছায়ায় মলিন।

তবু জানি প্রাণের সে চরম জিজ্ঞাসা

আজো করে উত্তরের আশা

আকাশে বাতাসে চাঁদে, কখনো বা মানুষের ঘরে

পাখির আওয়াজে আর প্রণয়ের মৃদু কণ্ঠস্বরে।

হয়তো জীবনে কিংবা জীবনেরো বড় কল্পনায়

সে-মুহূর্ত আছে যেন, আছে প্রতীক্ষায়॥

১৯৪৭

BANGLADARSHAN.COM

## হারানো নিমেষ

দিনগুলি সোনা দিয়ে মুড়ে,  
মনের দিঘির জলে সারাদিন ফেলে ছুঁড়ে ছুঁড়ে  
অলস শরৎ,  
ছোট ছোট ঢেউ ওঠে বালার মতন,  
বড় থেকে বড় হয়ে ছেয়ে যায় মন,  
মনের সীমানা ছেড়ে আরো দূরে যেতে খোঁজে পথ।  
হৃদয়ের ছড়াবার, সুদূরে যাবার এই খেলা  
কখন হারিয়ে যাবে নিভে গেল শরতের বেলা,  
মনের গভীর তলে নিথর আঁধারে  
আশ্বিনের এ-আনন্দ হারা হয়ে যাবে একেবারে।

জীবনের ছোট ছোট অলস নিমেষগুলি ঘিরে  
যত খেলা প্রতিদিন, সবি এক ভুলের তিমিরে  
বারে বারে কেবলি হারায়,  
তারপর শূন্য দিনে, বিষণ্ণ রাত্রিতে  
হারানো এ-ক্ষণগুলি চাই ফিরে নিতে  
খুঁজে ফিরি আকাশে-তারায়।  
ছোট এই আয়ু, তবু বড় তার আনন্দের আশা,  
ক্ষণিকের অনুভব ঘিরে তাই অফুরন্ত ভাষা।  
হারানো নিমেষগুলি খুঁজে  
মন তাই ঘুরে মরে জলে-স্থলে, নীলে ও সবুজে  
যদি কোনোদিন কৌতূহলে  
মনের ডুবুরি কোনো নামে এই হৃদয়ের জলে,  
খোঁজে যদি মনের গহীন,  
হয়তো সেদিন—  
হারানো সহস্র ক্ষণ, অসংখ্য নিমেষ  
পাবে সে উদ্দেশ।

যে-আনন্দ বার বার এ-হৃদয়ে কেবলি হারাই  
সে-সম্পদে হয়তো বা হবে তার তরণী বোঝাই।

# বৈকালী

এখন তো পৃথিবীর সব দেশ চেনা হয়ে গেছে,  
সকল সৈকত, মরু, সব দ্বীপ, পাহাড় পেয়েছে  
মনের চরণ চিহ্নগুলি—

তবুও দিনের শেষে কৌতূহলে ভরা এ-গোধূলি।

হয়তো বা কোনোদিন কোনো এক দূরের পাহাড়ে,  
প্রান্তরে কান্তারে কিংবা আন্দোলিত সমুদ্রের ধারে  
কৌতুকে লিখেছি দু’টি নাম—

সন্ধ্যায় তিমির-ছায়ে এখনো কি আছে তার দাম?

এখনো কি কোনো এক সুদূর বন্দরে

পরিত্যক্ত মুহূর্তেরা স্মৃতির জেটিতে ভিড় করে

সে-দিনের সে-মনের ফিরে আসা খুঁজে?

এখনো কি এ-হৃদয় প্রাপ্য তার নিতে পারে বুঝে?

যাযাবর যৌবনের দিনগুলি শুধু পথে পথে

প্রতিরাত্রে কোনো এক নতুন সরায়ে সুরাস্রোতে

পুরাতন মন ধুয়ে নতুন সঙ্গিনী নিল বেছে,

তারা কি এখনো আছে প্রতীক্ষার স্বপ্ন নিয়ে বেঁচে?

অথবা কি গোধূলির ধূসর সংশয়ে

সেদিনের প্রেমময়ী দেখা দেয় দ্বিচারিণী হয়ে?

তারার মতন স্থির, হীরকের মত শুচিস্মিত

সেদিনের কথাগুলি এখন কি মলিন, স্তিমিত?

ধূসর সন্ধ্যার ছায়ে দু’নয়নে দৃষ্টি আজ ম্লান,

কভু ভাবি সবি আছে, কভু দেখি নিঃস্ব এ-পরাণ।

তমসার জন্মান্তরে দিবসের উত্তরাধিকার

নিরুদ্দিষ্ট উচ্ছ্বাল এই মনে পাব কি আবার?

# পাখি আর তারা

মলিন দিনের থেকে বিবর্ণ সন্ধ্যার ফাঁদ ছিঁড়ে  
কোমল নিবিড় স্তব্ধ কোনো অন্ধকার নীড়ে  
এখন পাখিরা শুধু চলে আর চলে আর চলে,  
ধূসর স্মৃতির জীর্ণ জাল ছিঁড়ে যায় দলে দলে।  
তবুও এ শহরের শাখায় শাখায় ওরা সারাদিন ছিল,  
আমার এ দক্ষিণের জানালার কাছে বুঝি বিভ্রান্ত কোকিলও  
একবার দুইবার তিনবার ডাক দিয়ে গেছে।  
সোনার রৌদ্রের দিঘি ঘুরে ঘুরে এই ঘাট নিয়েছিল বেছে;  
তাদের হয়েছে শেষ বিলাসের ক্ষণ,  
আমার জগৎ থেকে ক্লান্ত তারা করে পলায়ন।

আমার হয়নি শেষ, আমার হয়নি শেষ, আমার হয়নি শেষ পাওয়া,  
মেটে নাই আকাজ্জ্বার সব দাবি-দাওয়া।  
আমি আজো ভালোবাসি, আজো ভালোবাসি ভালোবাসা,  
দুর্গিবার উপভোগ বাসনার অক্ষুণ্ণ পিপাসা  
আয়ুর মুহূর্তগুলি গঁথে রাখে মালার মতন,  
নিরন্তর মনে মনে শুনি জীবনের আমন্ত্রণ।

যত হৈম মুহূর্তেরা আসে এই প্রাণের কুটিরে  
যাযাবর সেই সব অস্থির চঞ্চল অতিথিরে  
কোনোদিন যেতে দিতে হয়।

দিবসের বন্ধু তারা, ম্লান সন্ধ্যা তাহাদের নয়।

এ বিবর্ণ দিন থেকে পলাতক তাই দলে দলে  
চঞ্চল পাখিরা শুধু চলে আর চলে আর চলে।  
তাদের ডানার ঘায়ে কম্পিত আকাশে  
স্থিরজ্যোতি নক্ষত্রের ফোটার সময় হয়ে আসে॥

## প্রাংশুলভ্যে

কোনো এক সুদূর আকাশে  
ছোট ছোট তারা যদি সূর্যপ্রভ হয়,  
তবে স্ফুলিঙ্গের মতো যত তৃপ্তি এ-হৃদয়ে আসে  
প্রাণের অনন্তলোকে তারা কি শাস্বত সূর্য নয়?  
সামান্য এ জীবনের উত্তরাধিকার,  
ইন্দ্রিয়ের মাধুকরী একমাত্র সম্বল যাত্রার।  
সংকীর্ণ গণ্ডিতে বাঁধা সুখের পরিধি,  
ছোট আশা আমাদের অনন্ত তৃষ্ণার প্রতিনিধি।  
জীবনের ছায়ার প্রাচীরে  
মনোরথ বারবার প্রতিহত হয়ে আসে ফিরে;  
গ্লানিভরা দিন,  
স্বপ্নের সান্ত্বনা ভরা রাত্রিগুলি মূর্ছায় বিলীন।  
আয়ুর আকাশ-ছাওয়া তুচ্ছতার কালি  
যদি কভু ছিন্ন ক'রে আসে আনন্দের এক ফালি,  
জ্যোতির্ময় সে-মুহূর্তে শুধু মনে হয়—  
তারা যদি সূর্য হয়, এ-আনন্দ সূর্য কেন নয়?  
জীবিকার দুঃখ-সুখ চতুরালি ভরা যত দিন—  
ভঙ্গুর প্রেমের ছোট আনন্দে করে প্রদক্ষিণ।  
সেই ভালোবাসা আর ভালোলাগাটিরে  
যত্নে রাখি ঘিরে  
দৈনন্দিন জীবনের কঠিন নির্মোকে,  
সে-আনন্দে সুর বাঁধি, সে-আলোর দীপ্তি আনি চোখে  
তারে ঘিরে সামান্য এ-ভাষা  
উদ্বাহ্ব বামন সম অনন্তের স্পর্শের প্রত্যাশা।  
আজ মনে হয়,  
যদি এ তৃপ্তির স্বাদ না পেতো হৃদয়,  
যদি হৃদয়ের উপপ্লবে  
এই ভালোলাগা আর ভালোবাসা মুছে যেত, তবে—

কেন্দ্রহীন এ-জীবন চিরন্তন ভ্রান্তির প্রলয়ে  
যেত না কি ছিন্ন-ভিন্ন হয়ে?  
তাই আজ জীবনের যত আবর্জনা  
তারো মাঝে খুঁজে ফিরি ছোট এ সান্ত্বনা—  
ছোট ছোট তারাগুলি কোনোখানে যদি সূর্য হয়,  
প্রাণের অনন্ত নভে এ-আনন্দ সে কি সূর্য নয়?

১৭ জানুয়ারি ১৯৪৮

BANGLADARSHAN.COM



# কালোরাতের কবিতা

অন্ধকার নীরঞ্জ কী হয়?

রাত্রেও তো তারা ফোটে, নিশা মেঘে বিদ্যুৎ তো রয়।

তমিস্র জীবনে তাই আজো বুঝি কভু স্বপ্ন দেখি,

অন্ধকার বর্তমানে দীপ জ্বালি এখনো সাবেকি।

যখনি শরতে আসে নীলাকাশ, ফাগুনে দখিনা,

মনের সে দীপে খুঁজি কাজিফতার সাড়া পাই কিনা।

অকস্মাৎ হৃদয়ের আলোড়নে স্নেহস্পর্শ পেলে

এখনো উৎসাহে ডাকি—‘এলে? তুমি এলে?’

জীবনের দিবা হলে শেষ,

সূর্যের প্রখর আলো যখন নিঃশেষে নিরুদ্দেশ,

তখনো তো মনের পিপাসা

কৈঁপে কৈঁপে খুঁজে ফেরে চেনা মুখ, পরিচিত আশা।

তারা কি ফেরে না আর? মিছে কথা। কত শতবার

কত শুভদৃষ্টি মাঝে জীবনের ঘোচে অন্ধকার।

কত লগ্ন দর্পণের মত

পিছনের আনন্দটিরে ক’রে তোলে মুহূর্তে জাগ্রত।

যেমন জীবন দিয়ে উষায় মধ্যাহ্নে দ্বিপ্রহরে

আলোরে বেসেছি ভালো, সেই তীব্র আসক্তি অন্তরে

আঁধারেও তেমনি উদ্দাম,

এখনো নক্ষত্র আছে, তুল্যহীন সে আলোরও দাম।

এখনো সমস্ত সত্তা আশা প্রেম স্বপ্ন স্মৃতিময়,

হীরক খচিত রাত্রি—সে কি কভু রঞ্জহীন হয়?

# নেশা

আফিঙের লাল ফুলে যেন এক অলস মৌমাছি  
স্বপ্ন দেখে আর দেখে। শিহরিত পাখার রেশমে  
রোদের সোনার বুটি বুনে যাওয়া শেষ হয় ক্রমে,  
সূর্য বুঝি গেল চলে পশ্চিম-প্রান্তের কাছাকাছি।  
ভুলের সুতোয় গাঁথা জীবনের সরু মালাগাছি  
এখনি শুকায়ে যাবে সংসারের সর্বভুক হোমে।  
আয়ুর প্রবাহে আঁকা যত ছবি স্বপ্নের কলমে  
যতক্ষণ না হারায়, মনে হয় যেন বেঁচে আছি।

রামধনুরঙে মেশা এই নেশা অভিশাপ আনে,  
ব্যর্থতায় মুছে যায় ধর্ম-অর্থ-সমাজ-সংসার  
ভুলের দ্বিতীয় স্বর্গ তবু গড়ে চলি বারবার,  
স্রষ্টার যে প্রতিদ্বন্দ্বী মুক্তি তার আছে কোনখানে?  
কৃতিত্বে কি কর্মে যার নাই দাম, নাই কোন মানে  
নেশার সে নির্বাসনে খুঁজি চিরন্তন অধিকার॥

# স্বীকৃতি

কখনো মুহূর্ত কোনো সবিতার দীপ্তি নিয়ে আসে,  
নতুন পৃথিবী গড়ে নব সৌরতেজের উদ্ভাসে।  
পুরাতন জগতেরে অস্পষ্ট সুদূর মনে হয়,  
লগ্নে লগ্নে নবজন্ম, নব নব দৃষ্টির বিস্ময়।

এ অরণ্যে একদিন ঝড়ে  
আকাজ্জ্বার শাখাগুলি উদ্দাম হয়েছে বায়ুভরে।  
সেদিন সে লুপ্ত ক্ষণ হয়তো এনেছে  
অনেক কথার ফুল ঝরে-পড়া সব ফুল বেছে।  
সহসা তাকায়ে পিছে আজ যদি দেখি—  
মনে হয় সেই ফুল এ হৃদয় আজো রেখেছি কি?  
ছেঁড়া কথা শরতের মেঘের মতন

এক পাশ জোড়া দিতে ছিঁড়ে যায় অন্য এক কোণ

তবু এই ধরণীতে নিত্য নব রূপে দেখেছি যে  
এ জীবনে সে সৌভাগ্য কী যে,

কী যে তার দাম,

সামান্য সে স্বীকৃতিরে হেথা রাখিলাম।

আজো কোনো মুহূর্ত যে নিয়ে আসে অন্যতর কথা

জীবনের কানে কানে নবরূপা পৃথিবীর বারতা,

সেই তো এ জীবনের সৌভাগ্য অপার।

কথারা হারায় যদি হৃদয় তো জন্মে বার বার ॥

# পতঙ্গবত্তা

শব্দ-স্পর্শ-গন্ধময় ভোগসঙ্গী হে মোর ধরণী!  
কখনো হত্যার রক্তে কলঙ্কিনী, কভু নিপীড়িতা,  
কভু বীরভোগ্যা, ভ্রষ্টা, মিথ্যাময়ী নিষ্ঠুর বনিতা,  
বিচ্ছিন্ন করেছ আত্মা, তবু তুমি প্রাণের ঘরণী।  
সহস্র বঞ্চনা মাঝে ক্ষণিক প্রসাদটুকু গণি’  
সে-ক্ষুদ্র তৃপ্তিরে ঘিরে গেয়ে চলি জীবনের গীতা,  
সহস্র-চারিণী তুমি উদাসিনী, অন্তরে জানি তা,  
তবু হে ইন্দ্রিয়ভোগ্যা, জীবনের তুমি মধ্যমণি।

বিস্ময়, বিস্মত আমি এ-প্রেমের শাস্বত আঘাতে,  
ক্ষণে ক্ষণে ব্যর্থ লগ্ন, পদে পদে গ্লানির বেদনা,  
মহার্ঘ্য আয়ুর মূল্যে যা দিলে কৃপণ করুণাতে  
সামান্য সে, তবু জানি তারি লাগি দীর্ঘ দিন গোণা।

এখনো বাঁচার নেশা পৃথিবীর প্রেমের সভাতে,  
আকাজ্জ্বার ফুলে আজো তোমারি কণ্ঠের মালা বোনা ॥

# ভালো লাগা

এই ভালো, জীবনের ভালো-লাগা ভুলগুলি নিয়ে  
খুশির শেফালি বনে বেঁচে থাকা ছন্দ কুড়িয়ে।  
জীবনের পাঠশালে যত পড়া সব এলোমেলো—  
কিছু হোল ভুল শেখা, কিছু ভুল মানে নিয়ে এলো।  
কেবলি খেলার মোহে পৃথিবীর উঠোনে বাগানে  
পাঠশালা ফাঁকি দিয়ে দিন কেটে গেল গানে গানে।  
নামতার ছড়াগুলি কবিতায় হোল একাকার,  
জীবনের অভিধান না বোঝায় বোঝা গুরুভার।  
তবু এ-ই ভালো লাগে, আমার এ প্রিয় ভুলগুলি,  
ভুলের আবিরে রাঙা অপরূপ জীবন-গোধূলি।

কত পথ হোল চলা! পথে পথে ছিল বুঝি আঁকা  
মহাজন-পদাবলী, তবু পথ হোল আঁকাবাঁকা।  
বনপথে কত চারু চরণের ছায়া খুঁজে খুঁজে  
নতুন ভুলের দিকে কতবার গিয়েছি তবু যে।  
কতো নীল দিন আর কত যে নিবিড় তমসায়  
ঝরা-ফুল খসা-তারা গঁথে গঁথে দিন কেটে যায়।

ভালো লাগে ভালো লাগে—এই কথা গুন্ গুন্ করে  
আসে মন ভ'রে।

মন ভ'রে আসে যেন শ্রাবণের নদী,  
প্রাণ ভ'রে ছুঁয়ে যায় চেতনার সীমানা অবধি,  
অসীম খুশির সুর গুন্ গুন্ ক'রে  
আসে মন ভ'রে।

এই খুশি ভুল যদি, এই পাওয়া ভুল যদি হয়,  
তারাভরা রজনীতে মায়া বোনা যদি অপচয়,  
তবু তো সে ভুলের খুশিতে  
প্রাণের প্রদীপ জ্বলে উদাসী আমার পৃথিবীতে।  
যদি ভুল হয়—

ধ্রুব বলে মনে হওয়া মিছে কথা শুধু গুটি কয়,  
তবু সেই ভুলগুলি জীবনের থেকে মুছে নিলে  
সকল খুশির আলো নিবে আমার নিখিলে।  
তাই এ-ই ভালো লাগে, জীবনের ভুলগুলি নিয়ে  
খুশির শেফালি বনে বেঁচে থাকা ছন্দ কুড়িয়ে॥

১৯৪৭

BANGLADARSHAN.COM

# ভ্রান্তিবিলাস

আমার আকাজক্ষাগুলি ছিঁড়ে ছিঁড়ে নিষ্ঠুর হাওয়ায়  
নিষ্ফল মেঘের মতো হৃদয়ের আকাশে মিলায়।

আয়ুর পরিধি হ'তে অবাধ্য বাহুতে

মৃত্যু-তীর্ণ কল্পনারে ছুঁতে

বারংবার অক্লান্ত প্রয়াসে

কামনা স্তিমিত হয়ে আসে।

স্বভাবত উচ্ছৃঙ্খল মন, তবু কঠিন শাসনে

রাত্রিদিন রেখে সন্তর্পণে,

সংশয়ের বিভীষিকা আনি'

উন্মুক্ত দৃষ্টির পরে কৃষ্ণবর্ণ যবনিকা টানি'

গড়ে চলি এতটুকু নীড়।

যেখানে অসংখ্য ছোট নির্জীব আশার শুধু ভিড়

সেখানে মলিন শয্যা পেতে

আত্মপ্রসাদের তীব্র সুরার ভ্রান্তিতে থাকি মেতে।

আমার এ-উপদ্বীপে যাযাবর তাতারের মতো

নিষ্ঠুর দুর্দমনীয় প্রেম এলো কত!

এলো কত দুর্নিবার উদ্ধত বাসনা,

সম্রমের রুদ্ধদ্বারে অবজ্ঞায় হোল অভ্যর্থনা।

তার সুখ খুঁজে খুঁজে

রাত্রিদিন স্রোতে ভেসে চলি চোখ বুজে;

সর্বগ্রাসী আগুন নিবাতে

হৃদয়ে শ্রাবণ আনি নিদ্রাহীন রাতে।

মাঝে মাঝে শুনি যেন আর্তনাদ কার!

অকস্মাৎ মনে হয়, ভেঙে দিয়ে দ্বার

বিদ্রোহী কল্পনাগুলি যদি কোনোমতে

সহসা ছড়িয়ে পড়ে সত্তাব্যাপী বিস্তীর্ণ জগতে,

তবে কি সে দাবাগ্নির উদাম আহরে  
প্রাণের এ আয়োজন ভস্ম হয়ে গিয়ে ধন্য হবে?

১৯৪৭

BANGLADARSHAN.COM



# সাধারণ

সাধারণ হাবভাব, সাধারণ হালচাল সবি,  
সাধারণ আচরণ, একজন সাধারণ কবি।  
সাধারণ আশাগুলি সাধারণ ভাষা দিয়ে বলা,  
সাধারণ হাসি আর কান্নার সিধে পথে চলা।  
সাধারণ জীবনের ব্যথা আর উল্লাস নিয়ে  
ছোট ছোট কথা গঁেথে চলা শুধু ছন্দ বানিয়ে;  
সাধারণ মন নিয়ে হৃদয়ের খোলা দরবারে  
সকলের সাথে মিশে এক হয়ে যাওয়া একবারে।

আকাশের পরপারে জীবনের সীমানা ছাড়িয়ে,  
মনীষার ছায়াপথে কত কথা গিয়েছে হারিয়ে,  
বিক্যের কত চূড়া পথে যেতে জয় আছে বাকি,  
সব অসাধারণের ছায়া থেকে দূরে দূরে থাকি।  
সাধারণ আকাশের সনাতন চাঁদ আর তারা,  
সাধারণ প্রণয়ের রাতজাগা চোখের পাহারা,  
চলমান জীবনের খুঁটিনাটি মান অভিমান  
তাই দিয়ে বোনা শুধু কতগুলো সাধারণ গান।

সাধারণ মানুষেরা হয়তো কয়েকদিন পরে  
চলে যাবে সময়ের সাধারণ সিধে পথ ধ'রে,  
আসবে হয়তো সব অনন্যসাধারণ লোক—  
যুগান্ত কল্পের অড্ডুত মেয়ে ও বালক।  
হয়তো সেদিন প্রেম হবে অসাধারণ কত না!  
তার সাথে একটুও জীবনে হবে না জানাশোনা।  
রাতের আঁধারময় বন্যা কি আসবে তখনো?  
সে-বানে কি ডুববে না মনের বিজন দ্বীপ কোনো?

আমরা যে সাধারণ সেই কথা যত মনে ভাবি  
প্রকৃতির রাজকোষে ততবার খুলে যায় চাবি,  
শরতের নীলটুকু ততবার চোখের তারায়

আপনারো অজানিতে কখন চকিতে মিশে যায়।  
সাধারণ গৃহতলে বধূর হৃদয়টুকু ঘিরে’  
মনে মনে মালা গড়ি আকাশের তারা ছিঁড়ে ছিঁড়ে।  
সে তারা কি নিবে যাবে এ-হৃদয় মুছে যায় যদি?  
অনন্যসাধারণ থাকবে কি প্রলয় অবধি?

কত কথা শেখা হোল, কত পুঁথি পড়া হোল শেষ,  
কত ইতিহাস এসে চলে গেল। কত মহাদেশ  
গৈরিকে, কখনো বা উজ্জ্বল বর্ষার ধারে,  
কত অনুশাসনের লিপি গেল লিখে বারে বারে।  
তবু এই সাধারণ নীড়-সে তো মানে না শাসন,  
পুরোনো স্নেহের মোহে চিরদিন রয় সাধারণ,  
ছোট ছোট সুখ আর দুঃখের আল্পনা ঐকে  
অনুশাসনের যত ক্ষত রাখে ভুল দিয়ে ঢেকে।

আমরা যে সাধারণ-গৃহে, আর সাধারণ-প্রেমে,  
মাঠে-ক্ষেতে-নদীতটে-বসিতে-কুঞ্জে-হারেমে,  
সে-ই শুধু আমাদের পরম-চরম পরিচয়-  
ঘূর্ণিত সংসার-চক্রকীলক শুধু নয়।

এই রথ চলে যাবে, গুঁড়ো হবে চাকা একদিন,  
পথে পথে ক্ষয় হয়ে ইতিহাসে হবে সে বিলীন।  
তখনো কি সাধারণ গৃহে কোনো-মানব মানবী  
খুঁজবে না কোনোখানে একজন সাধারণ কবি?

২০ আগস্ট ১৯৪৭

## ভয়

শাস্ত্রের প্রশস্ত পথে, সংস্কারের কবচে দুর্জয়,  
মানুষের মর্মচ্ছেদী রুধিরের সঞ্জীবনে বলী,  
রাজধর্মে পুরস্কৃত, শূদ্রত্বে ও দারিদ্র্যে অক্ষয়,  
সভ্যতার দিগ্বিজয়ী চলে আত্মা দলি'।  
অসূর্যস্পশ্যা যে চিন্তা, সে-ও ক্ষুর আড়ষ্ট শাসনে,  
ভাষা ক্লিষ্ট, কর্ম পঙ্গু, সঙ্কুচিত প্রাণ,  
রাষ্ট্রে ও সমাজে, প্রেমে, জন্মে ও মরণে,  
ভয় সর্বাধিক শক্তিমান।

জীবনে সে চক্রবর্তী, অধিকাংশ আয়ু তার দাস,  
স্বপ্নে কিংবা জাগরণে, প্রমোদে অথবা জীবিকায়,  
ব্যাহত বিক্ষুব্ধ করি স্বাচ্ছন্দ্যে করে সে বিলাস,  
নির্জনে সে কভু আসে, কভু জনতায়।  
মৃত্যুর মুখোসে আসে, কখনো বা অপমান রূপে,  
কখনো নিন্দায়, কভু রাষ্ট্রের নিষেধে,  
উড্ডীন মনে লয়ে বারংবার ফেলে অন্ধকূপে—  
গতিরে সন্দেহ দিয়ে বেঁধে।

অশরীরী সরীসৃপ—নাগপাশে জড়ায় জীবন,  
আঁধারের গুপ্তচর—আড়ি পাতে মনোবাতায়নে,  
চরিত্র ও কামনার রঞ্জে রঞ্জে করে বিচরণ,  
আত্মায় সে পারত্রিক, লৌকিক সে মনে।  
অন্তরে প্রবেশ করে লোভের সশস্ত্র পাহারায়,  
ত্রিপাদে আচ্ছন্ন করে স্বর্গ মর্ত্য আর রসাতল,  
দুর্বার বর্গির মতো প্রাণের চতুর্থ মূল্য চায়,  
মুক্তিহীন হিংস্র সে কবল।

মৃত্যু-ভয়? আয়ু বুঝি জীবনের সর্বোত্তম প্রেয়?  
রাষ্ট্র ভয়? ব্যক্তি বুঝি সতরঞ্জে হীন ক্রীড়নক?  
প্রেতভয়? বর্তমান—সে কি অতীতের চেয়ে হেয়?

লোকভয়? নিন্দুক কি আত্মার চালক?  
তাই বুঝি সত্য! তাই ক্লিষ্ট প্রাণ, নিরুদ্ধ নিঃশ্বাস,  
অভিশপ্ত সত্তা ঘিরে' গ্লানির কালিমা।  
সম্মুখে সবিতা, তবু দু'চোখে ঘনায় অন্ধ ত্রাস,  
জীবনের খুঁজি ছোট সীমা।

আত্মার প্রত্যয় যেন ক্রমে জীর্ণ, কম্পিত, শিথিল,  
সত্যের স্বরূপ ক্রমে অস্পষ্ট, অদৃশ্য হয়ে আসে,  
নিরাপদ পিঞ্জরের গণ্ডিতে মানুষ আঁটে খিল,  
অস্তিত্বে সান্ত্বনা খোঁজে আয়ুর তরাসে।  
ছায়ার দানব যেন গড়ে প্রদীপের ক্ষুদ্র শিখা  
আপনারে বন্দী করে আত্মজ আঁধারে,  
প্রাণের দীপ্তিরে ঘেরি রক্তবীজ জন্মে বিভীষিকা  
তথাপি সম্রাট মানি তারে।

জীবনুত এ-জীবনে মিছে রচা স্বাতন্ত্র্যের বেদ,  
মিথ্যা প্রণয়ের ক্ষীণ রক্তশূন্য নির্জীব উচ্ছ্বাস-  
ধুলির দুর্গের মতো না ধ্বসিকে ভীতির বনেদ,  
চিত্তে চিত্তে ত্রস্ত যদি নাহি হয় ত্রাস।  
সত্য যদি মেঘাচ্ছন্ন করে রাখে ভীতির দ্রকুটি,  
আশঙ্কার খল যদি সিংহচর্মে বাঁচে,  
চিন্তা যদি না দাঁড়ায় সমুন্নত গর্বভরে উঠি',  
অবশিষ্ট জীবনে কী আছে?

সেপ্টেম্বর ১৯৪৭

## খাণ্ডব দাহন

ভস্মসাৎ হয়ে যায় মহারণ্য, ছোট জীবদল—  
ভল্লুক-শার্দূল-সিংহ-হস্তী-সর্প-নকুল-গঞ্জর—  
বিভ্রান্ত যে দিকে ছোট সম্মুখে নিষ্ঠুর দাবানল  
বুভুক্ষু জিহ্বায় করে লালসার উল্লাস উদগার।  
নীড়ে নীড়ে পক্ষিদল ডিম্ব আর শাবকের 'পরে  
দুর্বল দু' পাখা মেলি আর্তনাদে প্রাণ ভিক্ষা চায়,  
দেবতা তৃপ্তার্থে আজ গাণ্ডীবীর অগ্নিময় শরে  
লক্ষ লক্ষ জীবাশ্রয় খাণ্ডব অরণ্য পুড়ে যায়।

শ্বাপদ-শকুন্ত আর সরীসৃপ পতঙ্গ উদ্ভিদ—  
নগণ্য জীবন এরা অবান্তর সৃষ্টি এ জগতে।  
কোথা বীর ধনঞ্জয়, রাজপুত্র, শাস্ত্র-শস্ত্রবিদ,  
কোথা পশু-পক্ষী-কীট, হীনযোনি সর্বধর্ম মতে।  
কুরু-সিংহাসন তরে কোনো হত্যা-প্রতিযোগিতায়  
এ সামান্য জীবদের কখনো হবে না প্রয়োজন,  
উৎসবে ব্যসনে রাষ্ট্র-দ্বন্দ্ব কিংবা মন্ত্রণা-সভায়  
যে-জীবন অবান্তর তুল্য তার বাঁচা ও মরণ।

তাই এই ধ্বংস-যজ্ঞ ন্যায়ে ধর্মে সর্বথা সম্মত,  
তাই হে অর্জুন, তুমি মহাকীর্তি পুরাণ-নায়ক।  
দুর্বলের উৎপাটনে জগতে থাকে না কোনো ক্ষত,  
কীর্তি তত সুমহান্ যত তীক্ষ্ণ মারণ-শায়ক।  
কোটি জীবনের পণে বীর্যবান নিত্য খেলে পাশা,  
যুগে যুগে যত খেলা তত ঘোচে ধরণীর ভার,  
হারে-জিতে নেশা বাড়ে, বেড়ে চলে জেতার পিপাসা,  
নির্বোধ পণের বাজি তবু মূঢ় জন্মে বার বার।

তাই এ খাণ্ডব যদি ধ্বংস হয়, লক্ষ লক্ষ প্রাণ  
হে পার্থ, তোমার কীর্তি ক'রে দেবে আরো সুবিপুল।  
সেই ভালো, শান্ত নভে থেমে যাক পাখিদের গান,

নগণ্য জীবন-লীলা হয়ে যাক নিঃশেষে নির্মূল।  
জীবনের অবশিষ্ট চিহ্ন থাক এক মুঠো ছাই,  
কালান্তক ধনুর্ধর তুমি লভ দৈব আশীর্বাদ।  
খাণ্ডবের হত্যালীলা ঘোষুক তোমার মহিমাই  
বীরের খ্যাতির গর্বে ডুবুক হীনের আর্তনাদ।

কয়েক প্রহর আগে, এখানেও ছায়াচ্ছন্ন নীড়ে  
সহজ বাৎসল্য-প্রেম, আশা-স্বপ্ন, শৈশব-যৌবন,  
সবি ছিল প্রাণোচ্ছল, ছিল মূঢ় জীবনের ঘিরে  
আনন্দের আকাঙ্ক্ষার স্পন্দিত ছন্দিত আবরণ।  
স্রষ্টার খেয়ালে গড়া বিচিত্র বর্ণাঢ্য ছিল প্রাণ,  
ছিল তৃপ্তি কামনার, উপভোগ ছিল ইন্দ্রিয়ের,  
শান্তি ও সংগ্রামে মেশা দুঃখ-সুখ পতন উত্থান,  
এখানেও উর্মি ছিল অফুরন্ত জীবন স্রোতের।

সৃষ্টিকর্তা বিধাতারো আছে বুঝি কিছু লজ্জাবোধ  
ক্ষণিক ভ্রান্তির বশে অবান্তর জীবন-সৃজনে,  
মানব-শক্তিরে তাই সেও বুঝি করে তোষামোদ,  
ধ্বংসের প্রেরণা আনে ক্ষীণজীবী মানুষেরি মনে।  
যতবার জীবদল একান্তে ভঙ্গুর নীড় রচে  
ইতিহাস রথচক্রে ততবার চূর্ণ হয়ে যায়,  
ধ্বংসকর্তা বেঁচে রয় সর্বকালে কীর্তির কবচে,  
জীবনের গডডলিকা ছোটে তারি প্রসাদ আশায়।

তাই বুঝি আগুনোরো অগ্নিমান্দ্য, নিষ্ঠুর তামাশা!  
অর্জুন, সামান্য জীব নাশ তরে কেন অজুহাত?  
দুর্বল যে অসহায়, জানে না যে দেববোধ্য ভাষা  
তার মৃত্যু ধরিত্রীরে বিন্দুমাত্র করে না আঘাত।  
কুরুক্ষেত্রজয়ী পার্থ যুগে যুগে কীর্তিমান,  
লুপ্ত খাণ্ডবের নাম ধন্য হবে অর্জুনের সাথে,  
আর যে পরাস্ত মৃত, স্মৃতি তার রাখে না সম্মান,  
অস্তিত্বের চিহ্ন তার কোনোখানে থাকে না ধরাতে।

BANGLADARSHAN.COM

নিগূঢ় ধর্মের তত্ত্ব, বীরভোগ্যা পৃথিবীর রীতি,  
তোমার দারুণ কর্মে হে পার্থ জ্বলন্ত বর্ণে লেখা।  
কলঙ্ক ভূষণ তার সর্বাধিক শক্তিতে যে কৃতী,  
জীবনই কলঙ্ক তার দুর্বল যে অসহায় একা।  
কৃতীর সকল পাপ ধুয়ে যায় স্ততির জোয়ারে,  
দেবতার আশীর্বাদ তারি পরে ঝরে চিরকাল,—  
বিধাতার সৃষ্টিরে যে নিজ বলে মুছে দিতে পারে,  
বলিষ্ঠ বাহুতে পারে ফেলে দিতে ধরার জঞ্জাল।

হে পার্থ, হে সব্যসাচী, কৃষ্ণসখা, দেবেন্দ্রের প্রিয়,  
নারায়ণ অংশ তুমি, ঈশ্বরের নর-প্রতিকৃতি।  
জীবনের আসক্তিতে ভুলে থাকি কেবলি যদিও  
তবুও তোমার কর্মে আছে জানি স্রষ্টার স্বীকৃতি।  
বিধাতা প্রেরিত বীর দিগ্বিজয়ী আসে ভেঙে দিতে  
অহেতু খেলায় গড়া সৃষ্টির তাসের ঘর বুঝি,  
তবু যত বহি জ্বলে, অগ্নিশিখা ঘেরে চারিভিতে,  
তত মোরা মাঠে-ঘাটে ঘর-বাঁধা খড়-কুটো খুঁজি॥

# অশান্ত

আমার শান্তি কোথায় লুকায়ে থাকে?

উড়ে যায় কোন দূর বাসনার ডাকে?

কোন দুর্ভেদ্য দুস্তর দেশে লুকাল আমার ঘুম?

জাগ্রত তাই রাত্রি, যদিও ধরিত্রী নিঃস্বপ্ন।

এখনো তো কত গাছের ছায়ায় বিরাম-শয্যা পাতা,

এখনো তো কত অলস দুপুর ঘুঘুডাকা সুরে গাঁথা।

এখনো তো কত নতুন ঘরের শীতল শয্যাতলে

অণুবজ্রের দস্ত ছাপায়ে মৃদু কথা কারা বলে।

এখনো তো ফোটে ফুল

শরতের মেঘে চকিতে এখনো সংসার হয় ভুল।

আজিকে আমার মনের শান্তি আকাশে বাতাসে খুঁজি,

স্মৃতির সোনার খাঁচা খুলে রেখে কতবার চোখ বুজি,

কথার শিকলে বাঁধি তৃপ্তির ছায়ার বিহঙ্গম,

তবু এ চিত্ত চঞ্চল জঙ্গম।

আমার শান্তি সে কোন দূরের নীড়ে

উড়ে চলে গেল ফেলে রেখে ক্লান্তিরে॥



## স্মারক

পৃথিবীর জঠরাগ্নি একদা ফুঁসেছিল নাকি ভারি,  
বিজ্ঞরা ক'ন, দুই গোলাধর্মে সেই থেকে ছাড়াছাড়ি।  
ভূগোলের মানচিত্র সেবার বদলেছে আগাগোড়া,  
অকাল প্রলয়ে ডুবেছে অনেক গাছপালা হাতী-ঘোড়া।  
সেই এলাকায় ঘরের খাঁচায় নর-নারী-শিশু মিলে  
যত ছিল প্রাণ, সবি সে প্রলয় নিয়েছিল নাকি গিলে।  
হিসেব খতিয়ে তবু দ্যাখো, ক্ষতি হয়নি তেমন বেশি,  
ইতিহাস বলে সেই বাঁকুনিতে লভ্যই শেষাশেষি।  
গোটা হিমালয় উঠেছে সেবার নিয়ে বড় বড় চূড়া,  
জমিটা যদিও ডুবেছে অতলে, দাম পাওয়া গেছে পুরা।

দুনিয়ার আর সৃষ্টির এই গুঢ় তাৎপর্য হে  
সর্বসহা ধরণীর বুকে সকল ভাঙাই সহে।  
কিছু সয়ে যায় নিরুপায়ে কিছু ক্ষতিপূরণের লাভে,  
খেয়ালী মালিক ভাঙেন গড়েন, বাঁচা তো তেনারি তাঁরে।  
শুনি তাঁর চোখ নীলাকাশ জোড়া, ছোটখাট লাভ-ক্ষতি,  
অত বড় চোখে দেখাই কঠিন, এ তো সোজা কথা অতি।  
তা ছাড়া মানুষ মূঢ় অজ্ঞান, কিসে কার ভালো হয়  
লোকে কী বা বোঝে? বোঝেন কেবল মালিক করুণাময়।  
ভ্রান্ত মানুষ নিজের দুঃখ বড় বেশি ক'রে দ্যাখে,  
বৃহৎ স্বার্থ মহৎ দুঃখ, বোঝে না কোটিতে একে।

পরম-মালিক আর তাঁর যত প্রতিভূর পিছে পিছে  
কত দর্শনকরকবাহী কত বাণী দিল মিছে।  
দারা-সুত-প্রেমে-অনেকে বলেছে-মায়াময় বুদ্ধ  
জন্মান্তর পাপের ঋণের চক্রবৃদ্ধি সুদ।  
জীবন তুচ্ছ, মোহে ভরা আর পাপে ভরা অতিশয়-  
সকল কথাই লাখোবার শুনে তবু যেন ভুল হয়।  
তবু দারা-সুত-পরিজন নিয়ে জীবন শিকড় গাড়ে,  
সে শিকড় যদি উপড়ায়, লোকে শাপ দেয় বিধাতারে।

সব ত্রুটি আর সব পাপ নিয়ে তবু এ-জীবন প্রিয়,  
ধর্ম-মোক্ষ সকলের চেয়ে মরচোখে রমণীয়।

সে-জীবন আজ খসে ঝরে পড়ে শুকনো পাতার মতো,  
সে-শিকড় আজ বিষাক্ত ঝড়ে বিচ্যুত, বিক্ষত।  
জানি বটে তাতে উদাসী ধরার হবে না বিশেষ ক্ষতি,  
নতুন শিকড়ে দেখা দেবে ফের আগামী বনস্পতি।  
শাখায় শাখায় কচি কিশলয়ে রূপ নেবে মধুমাস,  
কোথায় হারাবে বিচ্যুত যত প্রাণের দীর্ঘশ্বাস!  
তবুও নতুন দিনের নবীন বসন্ত আগমনে,  
লক্ষ লক্ষ প্রাণের বিনাশ থাকে যেন কিছু মনে।  
আগামী দিনের সুখী কবি যদি কীর্তি-সৌধ গড়ে,  
ভিত্তিতে তার অনেক করোটি, রাখে যেন মনে ক'রে॥

BANGLADARSHAN.COM

# পনেরোই আগস্ট

সহস্র দিনেরই মতো রৌদ্র-ছায়াময়,  
তবু সহস্রের মাঝে এই দিন বড় মনে হয়।

এ-দিন আসে না শুধু আকাশে মাটিতে,  
ফুলে-ফলে-নদীজলে সোনার লেখন ঐকে দিতে।  
আসে না সে অলিন্দে চতুরে  
ধুলায় মলিন খেলাঘরে  
আয়ুর ভগ্নাংশ কেড়ে নিতে,  
জলের লেখার মত এই দিন মোছে না চকিতে।

প্রহরের ছিদ্রপথে এই দিন হয় না নিঃশেষ,  
আশার দিগন্ত পানে এ দিন উড্ডীন নিরুদ্দেশ  
জ্যোতির্ময় লক্ষ্যের সন্ধানে।

দৌর্বল্যের কৃষ্ণমেঘে এই দিন দিব্য বাণ হানে।  
চেতনা জাগ্রত হয়, সম্মুখের শোনে সে আহ্বান,  
এই দিনে জীবনের সূর্যোদয়ে রাত্রি অবসান।

আমরা কি মৃত্যুশীল? ক্ষীণপ্রাণ, নশ্বর, ক্ষণিক?  
সংকীর্ণ কি নরজন্ম? হীনযুক্তি এ-মিথ্যারে ধিক্।  
মানুষের আশা-স্বপ্ন-কল্পনার কোথা মৃত্যু আছে?  
সন্ততির পারস্পর্যে অনশ্বর মানবাত্মা বাঁচে।  
যুগ হতে যুগান্তরে খুঁজি মোরা মহার্ঘ জীবন,  
নতুনের আবির্ভাবে মুছে ফেলি মৃত্যুর স্মরণ।  
চিরজীবী আমরা যে, তাই,  
একটি দিনের মাঝে লক্ষ দীপ্ত দিন খুঁজে পাই।  
জানি, মনে জানি,  
আমরা হারাই যদি, হারাবে না এ-দিনের বাণী।

তাই,  
যতবার জীবনের আশ্রয় হারাই

ততবার ফিরে দেয় আত্মার প্রত্যয়  
সহস্র দিনেরই মতো এই দিন রৌদ্র-ছায়াময়।

আগস্ট ১৯৪৭

BANGLADARSHAN.COM

# অদ্যতনী পদ্য

নেই-রাজ্যের খেই-হারানো গল্প মনে আসে,  
এই অকাজের খই-ভাজা এক, কাজ কী এ-বিলাসে  
কল্পনাহীন গল্প দিয়ে অল্প কিছু নীতি,  
লিখতে যদি শিখতে পারি ঠিক তাহলে জিতি।

মন-ভোলানো খেলনা নিয়ে না-হক্ দোকানদারি,  
সূক্ষ্মকাজের মূর্খতাতে দুঃখ বাড়ে ভারি।  
খদ্দেরে চায় হদ মোটা, সিদ্ধি নাকি তাতে,  
ধুম্বো কাজের গুম্ফ ধরে আবাল-বুড়ো মাতে।

তত্রোপরি ক্ষত্রতেজে আমরা আধামরা,  
জম্বুদ্বীপে সম্বলই আজ দমভরা গড়গড়া।  
রাজ্য এবং পৃথ্বীভাগের ঝক্মকে সব ছুরি  
কখন নামে ডাহিন-বামে, ভয়েই জুজুবুড়ি।

এমনিতরো ক্ষুত্র বড় লক্ষ ঝামেলাতে  
কল্পনা সে অল্প কিছু গল্প-গাথা গাঁথে,  
সেই মালাটা লুকিয়ে রাখি, কঁকিয়ে কেঁদে বলি,  
‘আমার ঘরে কিচ্ছুটি নেই, শূন্য আমার থলি।’

# রাজা

জরি আর পুঁথি গাঁথা জমকালো চোগা-চাপকানে  
জাঁদরেল চেহরায় পাট করে যাত্রার রাজা;  
উষ্ণীষ আভরণ সবি আছে আয়োজন যা-যা,  
রাজসিক হাবভাব, রাজকীয় চাল সবি জানে।  
ভোর হলে এই সাজ ফিরে যাবে ভাড়ার দোকানে,  
ঘরে আছে হেঁটো ধুতি, কড়া সাজা দু'ছিলিম গাঁজা,  
হুকুমের জরু আছে, আছে তাড়ি আর তেলেভাজা,—  
আরেক রাজার পাট—ভাষাটা তফাৎ, একই মানে।

কিছু যেতে বীররসে, কিছু কিছু করুণ রসের  
বিগলিত অভিনয়ে আসর-বাসর করে মাত,  
জীবনের পালাগানে মেডেল-ইনাম নেয় জিতে,  
কখনো নিজেই চাকে নেশা দিয়ে, কখনো জরিতে,  
যত মিছে অভিনয় তত তার পাবার বরাত,  
কেননা সে জেনে গেছে সিধে পথ দেশের-দেশের॥

# ছাগল

গাস্ত্রীর্ষ ও প্রজ্ঞা যেন বিচ্ছুরিত দাড়ির আভাসে,  
শৃঙ্গ দেখে শঙ্কা হয় তেড়ে বুঝি টুঁ মারে কখন,  
উদাসীন দৃষ্টি, কিন্তু তৃণশপ্পে লক্ষ্য বিলক্ষণ,  
যাহা পায় তাহা খায় দ্বিধাহীন নির্বিচার গ্রাসে।  
নধর মাংসল দেহ, তবু কিন্তু খুঁটি ছেঁড়ে না সে,  
সঞ্চয়ের মূল্য জানে, ফল পায় চর্বিত-চর্বণ।  
ধারে না রুচির ধার, নির্বিকল্প অনুদ্বিগ্ন মন,  
তত্ত্ববেত্তা দার্শনিক, বিশ্বরূপ দেখে কচি ঘাসে।

অস্থি-মাংস-মেদ-মজ্জা, ডুমো ডুমো কিংবা মিহি কিমা,  
স্বাস্থ্য আর কান্তি দানে সবি ধন্য সভ্যতার হিতে।  
সর্বদেশে-কালে প্রিয়, হোক পকু যে-কোনো রীতিতে,  
ধর্মে-কর্মে পালে-পর্বে স্বতঃসিদ্ধ জাতীয় মহিমা।  
বলিবাদ্যে কীর্তি ঘোষে নিজ চর্মে গড়া জয়ঢাক-  
তবুও কী সহ্যশীল দগ্ধহত শ্যামল পোশাক॥

# ফানুস

ফানুসেরো দিন আছে উঁচু থেকে ওঠে সে উঁচুতে,  
নিচের লোকেরা ভাবে সে-ও বুঝি তারারি সামিল।  
গরম বাতাসে ফেঁপে মহাশূন্যে করে কিলবিল,  
অহংকারে ডগমগ,—কার সাধ্য পারে তারে ছুঁতে?  
ফানুসেরো দিন আছে, চুপসানো যদিও শুরুতে—  
পেটে তাপ পেলে হয় চাঁদখেকো যেন তিমিঙ্গিল।  
রঙিন পোশাকে করে মোমের আলোয় ঝিলমিল,  
যোজন-যোজন উড়ে চলে যায় বাতাসের ফুঁতে।

অতি-শস্তা, শিশুতোষ্য, শূন্যগর্ভ রঙিন কাগজ  
দশচক্রে উর্ধ্ব উঠে আমাদের চক্ষে দেয় ধোঁয়া,  
গস্তীর মস্তুর চালে অন্তরীক্ষে চলে ধূম্রধ্বজ,  
নিম্নবর্তী মন্তব্যের বিন্দুমাত্র করে না পরোয়া।  
যতক্ষণ উর্ধ্বচারী ততক্ষণ সে-ও তো দিগ্গজ,  
সুদূরে বিহার তার একমাত্র এ-টুকু বাঁচোয়া॥



# ভোট

নাতিহুস্বদীর্ঘস্থূল, অনতিশীদোক্ষ, নাতিস্থির,  
গুণে আর পরিসরে এবস্থিধ চৌকস মগজে  
জনতা-নায়িকা সদা প্রাণমন সমর্পিয়া ভজে;  
সর্বদা গলায় দড়ি পৃথিবীতে অতীব বুদ্ধির।  
মধ্যম অধম এই দুই পাটে গড়া যাঁতাটির  
পেষণে উত্তম মাথা ডাল হয়ে সুধারসে মজে,  
জনতা নামিনী বামা পেষে তারে জরুরি গরজে  
নেতারুপী নায়কের অবিচ্ছিন্ন উদর পূর্তির।

অতিসভ্য পৃথিবীতে সংক্ষেপে ইহারে কয় ভোট,  
অত্যুচ্চ মস্তিষ্কগুলি চাঁটা খেয়ে ঢুকে যায় পেটে,  
যত উগ্র কণ্ঠ আর যতই দুরন্ত বাহুস্ফোট  
জনতার স্বয়ম্বরে মালা পায় ততই নিরেটে।  
গড্ডল প্রবাহ যবে মহোল্লাসে হয় এক জোট  
গড্ডল-সর্দার সাথে কোন্ প্রতিদ্বন্দ্বী ওঠে এঁটে?

# প্রেতচরিত

পৃথিবীর অন্ধকার আনাচে কানাচে,  
হিজিবিজি চিন্তার বাঁকের কাছে কাছে,  
প্রেতের মতন অশরীরী, অসহায়—  
মনীষা ও প্রতিভার ভূতুরে ছায়ারা মিলে  
ভয়ংকর জটলা জমায়।

অসম্ভব কথা সব বলে তারা, দুর্বোধ্য ভাষাতে  
করে তারা কিচির-মিচির;  
কল্পনার ভূতিনীরে চুলের মুঠোয় ধরে  
নিয়ে এসে খেলাঘর পাতে,  
অন্ধকারে অন্তরালে অশরীরী মস্তিষ্কেরা করে মহা ভিড়।

কত কী যে বলে তারা কে বা দেয় কান?

কিস্তৃত ভাবনা আর উদ্ভট বক্তব্য নিয়ে  
এদের অদ্ভুত অভিযান।

দুর্বোধ্য খুশিতে আর বিচিত্র খেয়ালে  
অতি সূক্ষ্ম চিন্তার তন্তুর বেড়াজালে  
পৃথিবীর আনন্দের সবটুকু ছেকে নিতে চায়;  
ভূতে-পাওয়া ডানা মেলে দুর্বীর গতিতে ছুটে যায়  
সাহিত্যের, শিল্পের ও বিজ্ঞানের মরু-অভিযানে।

বিভ্রান্ত প্রেতের দল, জীবনের জানে নাকো মানে,  
একেবারে রাখে না খবর—

কত ধানে কত চাল, কত চালে কতটা কাঁকর।  
কল্পনার ভাঙা তাঁতে ভবিষ্যের জামদানি বোনে,  
জীবন জড়িয়ে রাখে দুরাশার টানা ও পোড়েনে।

ওদের এ অস্তিত্বের কোনো দাম নেই,  
কামধেনু দোয় বটে, দই তার মারে নেপোতেই।  
ভূতের বাপের শ্রাদ্ধে যদি বা কুচিৎ পিণ্ড মেলে  
অগত্যা তৃপ্তিতে সেই অবজ্ঞার উচ্ছিষ্টেরে গেলে

এদিকে ভারিক্কে চাল, অথচ এমনি বেয়াকুব-  
চালচুলো নেই কিন্তু শূন্যকুম্ভ দস্ত আছে খুব।

এই একদল শীর্ণ প্রতিভা ও মনীষার প্রেত  
বিশল্যকরণী খুঁজে গন্ধমাদনেরে তুলে  
নিতে চায় শিকড় সমেত।  
দুনিয়ার বুকে-বেঁধা শক্তিশেল ধ'রে মারে টান,  
উপবাসে জীর্ণকায়, মনে ভাবে কত না জোয়ান।

বড় বড় কাণ্ড করা শখ-  
পৃথিবীর চিন্তা রয়, এমনি নিরেট আহম্মক।  
যদিও মেলে না ভিখ্ তবু এরা এমনি বাতুল  
নিজেদের কৃতিত্বের বাহুতে নিজেরা মশ্গল।

হাজার কি লক্ষ বছরের ইতিহাস ধরে এরা  
-অলৌকিক, অবাঞ্ছিত, অনিকেত এ-সব প্রেতেরা  
চেপে আছে সিন্দবাদ-পৃথিবীর ঘাড়ে,  
ইঁদুরের মতো এরা সিঁদ কাটে এ-বিশ্বের চিন্তার ভাঁড়ারে  
সমাজের কানে কানে বুদ্ধিনাশা পরামর্শ জপে,  
জীবনের মানে লেখে অর্থহীন নতুন হরপে।  
উদ্ভট কল্পনা দিয়ে জাগায় বিপ্লব-  
সুখে ও শান্তিতে থাকে এদের জ্বালায় অসম্ভব।

এই সব প্রেতদের আস্তানা ও অস্তিত্ব এড়িয়ে  
অধিকাংশ লোক থাকে মনের দুয়ারে খিল দিয়ে।  
চোখ কান বন্ধ ক'রে অধিকাংশ বুদ্ধিমান বীর  
পরিবার-শাব্য সুরে হত্যা করে রাজা ও উজীর।  
কিছু সংখ্যা অতি-বুদ্ধিমান  
অলৌকিক পুণ্যলোভে জুতো মেরে করে গরুদান।  
পিণ্ড-লোভী কোনো প্রেত এনাদের বদান্যতা ফলে  
প্রেতাত্মিক সারাংশকে বলি দিয়ে পূর্বজন্ম ভোলে।  
নবজন্মে ধন্য হয়ে বাঁধে তারা হুঁশিয়ার বাসা,  
কংকালে গজায় ভুঁড়ি খাসা।

তবুও এ জীবনের প্রতি মোড়ে মোড়ে  
প্রতিভা ও মনীষার মুক্তিহীন প্রেতদল ঘোরে।  
সর্বক্ষেত্রে বিতাড়িত, নিত্য উপবাসী,  
নরর্ষভদের দ্বারে প্রসাদ-প্রত্যাশী।  
কখনো শেখেনা ঠেকে, অনাসৃষ্টি ধারণার  
বিষবৃক্ষ বীজ বুনে যায়,  
আয়েশের বীণা ঘিরে অতৃপ্তির ছেঁড়া তার কেবলি জড়ায়  
স্রষ্টার সমান হতে দুরাকাজ্ঞা ভারি,  
স্বর্গ-রাজ-তক্ত নিয়ে শূন্য মাঝে করে কাড়াকাড়ি।  
তবুও তো বৃষক্ষক্ষগণ  
অনুকম্পাভরে নিত্য সহ্য করে হেন আচরণ।

কেবল যখন  
পৃথিবী ঘুমন্ত, স্তব্ধ শূন্য বাট, সৈকত নির্জন,  
আকাশের ঢাকনার অন্তরাল থেকে কোনো রসিক নাগরে  
তারার ঝাঁঝরা পথে রঙ নিয়ে হোলি খেলা করে,  
তখন উদার মৌন গ্লানিহীন আকাশের তলে  
মনীষা ও প্রতিভার প্রেতগুলি জোটে দলে দলে।  
তখন ওরাও নাকি নিমন্ত্রণ পায়  
মানুষের যৌবরাজ্য-অভিষেকে জগৎ সভায়।  
ভূয়োদর্শী বুদ্ধিমান ভাগ্যের বিধাতাগণ জানে  
এ কথার সমর্থন নেই কোনো শাস্ত্রে ও পুরাণে॥

১৯৪৯

॥সমাপ্ত॥